

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 12 NOVEMBER 2014, PUKUL 10.00 PAGI

Bil. 47

PERTANYAAN-PERTANYAAN BAGI JAWAB LISAN

1. PR-1323-L65165
Dato' Wira Mohd Johari bin Baharom [Kubang Pasu] minta **MENTERI PENDIDIKAN** menyatakan :-
 - (a) mengenai sistem pendidikan di negara kita yang terdapat sekolah antarabangsa yang semakin mendapat perhatian masyarakat terutamanya yang berpendapatan tinggi, berapakah jumlah sekolah antarabangsa yang berdaftar dengan Kementerian ; dan
 - (b) apakah kurikulum yang digunapakai dalam sekolah antarabangsa berkenaan dan adakah sama kurikulum tersebut antara satu sekolah dengan sekolah antarabangsa yang lain; dan adakah kurikulum sekolah antarabangsa selari dengan kurikulum sekolah kebangsaan, kerana kita khuatir jika tidak selari ia akan menjejaskan semangat patriotisme remaja terhadap negara ini.
2. PR-1323-L65037
Tuan Liew Chin Tong [Kluang] minta **MENTERI DALAM NEGERI** menyatakan berapa orang telah dihukum mati dan sedang menunggu hukuman gantung dan kewarganegaraan negara mereka. Juga berapa orang dirotan mengikut kewarganegaraan.
3. PR-1323-L64938
Datuk Haji Datu Nasrun bin Datu Mansur [Silam] minta **PERDANA MENTERI** menyatakan sepanjang tempoh perintah berkurung di perairan ESSZONE adakah pihak Kerajaan memberi insentif kepada golongan nelayan yang terjejas sumber ekonomi akibat pengisytiharan darurat. Apakah pula peranan agensi kerajaan yang terlibat dalam menjaga kebajikan nelayan.
4. PR-1323-L64488
Tuan Lim Lip Eng [Segambut] minta **MENTERI SUMBER ASLI DAN ALAM SEKITAR** menyatakan statistik terkini mengikut bulan, jumlah pelawat ke Zoo Negara, antara jumlah berapa yang melawat pasangan panda juga statistik haiwan-haiwan yang mati di Zoo Negara dari bulan Januari dan punca sebab kematian haiwan-haiwan peliharaan itu.

5. PR-1323-L63311
Dato' Wira Othman bin Abdul [Pendang] minta **MENTERI KEWANGAN** menyatakan apakah benar Syarikat Perumahan Negara (SPNB) menghadapi masalah kewangan yang teruk dan terpaksa meminjam CIMB sebanyak 500 juta ringgit untuk membina rumah-rumah mesra rakyat.
6. PR-1323-L64310
Puan Teresa Kok Suh Sim [Seputeh] minta **MENTERI PENDIDIKAN** menyatakan senarai pelajar yang diterima untuk mengikuti kursus perubatan, farmasi, pergigian di setiap universiti awam tempatan pada tahun 2010, 2011, 2012, 2013 dan 2014. Nyatakan sebab Kementerian mengurangkan penerimaan pelajar baru ke fakulti perubatan di universiti awam tempatan.
7. PR-1323-L63503
Tuan Khoo Soo Seang [Tebrau] minta **MENTERI KESIHATAN** menyatakan :-
 - (a) sama ada negara kita, khususnya hospital-hospital Kerajaan menghadapi kekurangan *physiotherapist*; dan
 - (b) apakah tindakan-tindakan yang akan diambil demi mengatasi kekurangan *physiotherapist* di Hospital Sultan Ismail, Pandan, Johor Baru.
8. PR-1323-L65209
Tuan Manivanan a/l Gowindasamy [Kapar] minta **PERDANA MENTERI** menyatakan rasional untuk menggunakan laman web peribadi baru iaitu NajibRazak.com untuk menggantikan dengan laman webnya yang terdahulu iaitu www.1Malaysia.com.my. Senaraikan secara terperinci keberkesanan dan kejayaan laman webnya terdahulu iaitu www.1Malaysia.com.my sejak ia digunakan dari tahun 2009.
9. PR-1323-L63484
Datuk Dr. Makin @ Marcus Mojigoh [Putatan] minta **MENTERI TENAGA, TEKNOLOGI HIJAU DAN AIR** menyatakan :-
 - (a) apakah punca utama masalah gangguan bekalan elektrik di negeri Sabah; dan
 - (b) apakah pelan tindakan jangka pendek dan jangka panjang yang telah dirangka oleh pihak Kementerian dalam mengatasi masalah gangguan bekalan elektrik di negeri Sabah khususnya.
10. PR-1323-L64550
Tuan V. Sivakumar [Batu Gajah] minta **MENTERI PERUSAHAAN PERLADANGAN DAN KOMODITI** menyatakan tentang Laporan *International Rubber Study Group (IRSG)* mengenai lebihan penawaran getah asli sebanyak 384,000 tan pada 2014. Apakah jangkaan kerajaan untuk pasaran getah pada 2015 serta langkah yang diambil oleh Malaysia, Thailand, Indonesia untuk mengatasi kemerosotan harga getah dalam jangka pendek dan panjang.

11. PR-1323-L63853
Tuan Wilson Ugak Kumbong [Hulu Rajang] minta **MENTERI KEMAJUAN LUAR BANDAR DAN WILAYAH** menyatakan :-
 - (a) status jalan dari Nanga Mujong ke Nanga Gaat / Jalan Rumah Juntan ke Nanga Sut (Rumah Bengau) di Kapit, Sarawak; dan
 - (b) status Solar Hybrid di Long Kajang & Lusong Laku di Daerah Belaga.
12. PR-1323-L65043
Tuan Sim Chee Keong [Bukit Mertajam] minta **MENTERI SUMBER MANUSIA** menyatakan statistik pengangguran dan "*underemployment*" anak muda Malaysia berbanding negara-negara ASEAN lain, peratusan anak muda ikut kumpulan gaji RM1,000 ke bawah, RM1,500 ke bawah, RM3,000 ke bawah dan selebihnya.
13. PR-1323-L64244
Dato' Noraini binti Ahmad [Parit Sulong] minta **MENTERI PERDAGANGAN ANTARABANGSA DAN INDUSTRI** menyatakan apakah prospek TPP dari segi peluang pekerjaan dan keusahawanan terhadap golongan belia dan generasi muda sekiranya dimeterai perjanjian tersebut dan adakah ini akan menyebabkan pembanjiran buruh asing di Malaysia.
14. PR-1323-L64394
Dato' Mohd Ariff Sabri bin Abdul Aziz [Raub] minta **MENTERI TENAGA, TEKNOLOGI HIJAU DAN AIR** menyatakan :-
 - (a) apakah langkah yang diambil untuk mengatasi gangguan bekalan air di daerah Raub yang berlaku selang 2 hari; dan
 - (b) berapakah peruntukan yang disediakan untuk daerah Raub untuk menggantikan paip air yang lama.
15. PR-1323-L64343
Dato' Sri Azalina binti Dato' Othman Said [Pengerang] minta **MENTERI PERTANIAN DAN INDUSTRI ASAS TANI** menyatakan apakah jenis rancangan pembangunan nelayan yang ditawarkan termasuk kepada nelayan di Parlimen Pengerang supaya mereka lebih berpengetahuan dan berkemahiran dalam aktiviti penangkapan ikan sekaligus meningkatkan lagi pendapatan isi rumah mereka.
16. PR-1323-L64270
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah kerajaan sekiranya ada syarikat-syarikat yang melakukan kesalahan dibawah Akta Perusahaan 1967, dan jika ada berapakah jumlahnya dari tahun jangkamasa 1hb Januari 2010 hingga sekarang.

17. PR-1323-L65327
Datuk Rozman bin Isli [Labuan] minta **MENTERI SUMBER MANUSIA** menyatakan apakah status dan kedudukan cadangan mewujudkan satu Piawaian *National Human Resource Standards* (NHRS) yang bertujuan untuk merangka satu sistem pemantauan dan penanda aras terbaik bertaraf antarabangsa kepada pemain, pengamal dan penggiat keberkesanan tahap profesionalisma pengurusan dan pembangunan modal insan negara.
18. PR-1323-L64881
Tuan Mohd Rafizi bin Ramli [Pandan] minta **MENTERI PENDIDIKAN** menyatakan pecahan (*breakdown*) bayaran-bayaran (sewa pembangunan, penyenggaraan atau maintenance) daripada jumlah bayaran tahunan (RM56 juta-RM69 juta) kepada pemegang konsesi bagi setiap dari enam kampus UiTM yang dibina secara penswastan (kaedah PPP).
19. PR-1323-L65253
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan berapakah kuota bagi kaum Kadazandusun dan Murut dari negeri Sabah dalam pengambilan ke dalam PDRM sepertimana yang telah dipohon oleh pihak MIC dan MCA terhadap kaum India dan Cina dan berapakah kuota yang akan diberikan bagi pengambilan tahun hadapan termasuklah ke dalam pasukan keselamatan yang lain.
20. PR-1323-L64716
Tuan Ramkarpal Singh a/l Karpal Singh [Bukit Gelugor] minta **MENTERI BELIA DAN SUKAN** menyatakan usaha-usaha yang kini sedang diambil untuk membangunkan semula sukan hoki yang kini sedang merundum sepertimana yang jelas dicerminkan dalam Sukan Komanwel baru-baru ini.
21. PR-1323-L63294
Dato' Seri Ong Ka Chuan [Tanjong Malim] minta **MENTERI PERDAGANGAN ANTARABANGSA DAN INDUSTRI** menyatakan apakah kaedah dan langkah yang diambil oleh Kerajaan untuk mempertingkatkan daya saing negara supaya negara kita tetap akan menjadi pilihan utama bagi pelabur-pelabur dari luar negara.
22. PR-1323-L65084
Dr. Mohd Hatta bin Md. Ramli [Kuala Krai] minta **PERDANA MENTERI** menyatakan statistik dari tahun 2004-2014, mengikut statistik tahunan, jumlah suspek yang didakwa di bawah Akta Hasutan 1948 dan berapakah suspek yang telah disabitkan dan dihukum.
23. PR-1323-L64924
Dato' Seri Tiong King Sing [Bintulu] minta **MENTERI KESIHATAN** menyatakan :-
 - (a) sampai bilakah pihak Kementerian terpaksa bergantung kepada doktor pakar dari luar negara dalam pengisian kekurangan perjawatan doktor pakar tempatan di hospital-hospital seluruh negara; dan

- (b) adakah pihak Kementerian berhasrat untuk mengadakan juruaudit yang terdiri daripada doktor pakar tempatan bagi memantau dan memastikan profesionalisme doktor pakar luar negara yang diambil.
24. PR-1323-L64670
Tuan Mohamed Azmin bin Ali [Gombak] minta **PERDANA MENTERI** menyatakan apakah kriteria pemilihan Punj Lloyd Group yang memenangi tender bernilai USD 581 juta bagi Projek RAPID Tank Farm di Pengerang.
25. PR-1323-L65196
Datuk Seri Panglima Haji Abdul Ghapur bin Haji Salleh [Kalabakan] minta **MENTERI SUMBER MANUSIA** menyatakan :-
- (a) hingga kini berapa ramaikah pekerja asing baik yang berdaftar dan tidak berdaftar yang sedang berada di negara ini; dan
- (b) apakah langkah Kementerian untuk mengelakkan kebergantungan Negara kepada pekerja asing.
26. PR-1323-L65065
Puan Teo Nie Ching [Kulai] minta **PERDANA MENTERI** menyatakan jawatan dan gred ketiga-tiga orang kakitangan SPRM Hishamuddin Hashim, Mohd Anuar Ismail dan Mohd Ashraf Mohd Yunus semasa Julai 2009 dan sekarang.
27. PR-1323-L65337
Tan Sri Datuk Seri Panglima Annuar bin Musa [Ketereh] minta **MENTERI KEWANGAN** menyatakan apakah strategi MAS bagi mengukuhkan fungsi jaminan, integriti dan keselamatan penumpang dan anak kapal bagi memulihkan kembali imej syarikat penerbangan pertama negara itu setelah dilaporkan mencatatkan kerugian mencecah RM307.4 juta pada suku kedua 2014.
28. PR-1323-L64473
Tuan Ng Wei Aik [Tanjong] minta **MENTERI PENGANGKUTAN** menyatakan jumlah kos yang perlu ditanggung oleh Kerajaan Malaysia dan jumlah penjawat awam yang terlibat dalam operasi mencari dan menyelamatkan pesawat-pesawat MAS iaitu MH370 dan MH17. Nyatakan kos-kos yang turut ditanggung atau dibiayai oleh negara-negara yang lain.
29. PR-1323-L64994
Dato' Hasbullah bin Osman [Gerik] minta **MENTERI DALAM NEGERI** menyatakan berikutan rasa kebimbangan dan kurang yakin rakyat teramai tentang keselamatan negara ekoran pemansuhan ISA, sejauh mana penguatkuasaan Undang-undang SOSMA serta POCA yang baru diperkenalkan dapat memulih keyakinan rakyat di Malaysia.

30. PR-1323-L64865
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan tentang perancangan terbaru Kerajaan dalam melaksanakan Koridor Ekonomi di seluruh negara. Berapakah dana yang sudah dan akan dikeluarkan untuk merealisasikan pelaksanaan tersebut.
31. PR-1323-L64975
Tuan Anyi Ngau [Baram] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah langkah pembaharuan yang akan dilaksanakan oleh pihak Kementerian di dalam memperbaiki sistem penyampaian bekalan barangan subsidi di luar bandar.
32. PR-1323-L65239
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan status pendapatan isi rumah rakyat Malaysia yang terkini dan peratusan rakyat atau jumlah hakiki rakyat yang mendapat pendapatan seperti ini.
33. PR-1323-L65300
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan apakah Kerajaan menyedari dan langkah susulan yang diambil oleh Kerajaan bagi mengatasi kekeliruan yang timbul di kalangan para pengguna berikutan tindakan ramai peniaga yang telah mengeksploitasi penggunaan akronim GST sebagai (*Government Service Tax*) seolah-olah Kerajaan telah mula melaksanakan GST (*Goods and Services Tax*) walaupun tarikh pelaksanaan sebenar GST (*Goods and Services Tax*) akan bermula pada April 2015.
34. PR-1323-L64537
Tuan Su Keong Siong [Ipoh Timor] minta **MENTERI PENDIDIKAN** menyatakan status terkini penyiasatan dan tindakan yang di ambil ke atas kes bocor kertas UPSR baru-baru ini. Nyatakan dengan terperinci jumlah insiden-insiden kebocoran kertas peperiksaan sejak tahun 1990 hingga 2014 dan kenapa Kementerian gagal untuk mencegah kebocoran kertas peperiksaan daripada berlaku.
35. PR-1323-L64734
Puan Hajah Zuraida binti Kamaruddin [Ampang] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada kajian diadakan bagi mengenalpasti bilangan orang tanpa warganegara/gelandangan di seluruh negara. Jika ya, minta Menteri menyatakan bilangan tersebut dalam tempoh 5 tahun terdekat. Jika tidak, minta Menteri memberi penjelasan.
36. PR-1323-L63426
Datuk Juslie bin Ajirol [Libaran] minta **MENTERI PENGANGKUTAN** menyatakan bentuk pendirian Malaysia di peringkat antarabangsa berikutan tragedi hitam membabitkan dua pesawat MAS iaitu MH370 dan MH17 pada tahun 2014.

37. PR-1323-L65309
Datuk Sapawi bin Ahmad Wasali [Sipitang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sejauh mana keberkesanan operasi membanteras pengedaran barangan tiruan, dan sehingga kini berapakah nilai rampasan barangan-barangan tiruan di seluruh negara.
38. PR-1323-L64693
Tuan Wan Hasan bin Mohd Ramli [Dungun] minta **MENTERI BELIA DAN SUKAN** menyatakan usaha-usaha yang dilakukan bagi melahirkan jaguh sukan pelapis bertaraf dunia dalam sukan badminton.
39. PR-1323-L63347
Datuk Wee Jeck Seng [Tanjong Piai] minta **MENTERI KEWANGAN** menyatakan jumlah pinjaman serta liabiliti Kerajaan Persekutuan terhadap syarikat insurans dari tahun 2010 hingga 2013.
40. PR-1323-L64332
Dr. Haji Izani bin Haji Husin [Pengkalan Chepa] minta **MENTERI PENGANGKUTAN** menyatakan status terkini projek menaik taraf Lapangan Terbang Sultan Ismail Petra sebagai Lapangan Terbang Antarabangsa.
41. PR-1323-L63557
Datuk Noor Ehsanuddin bin Mohd Harun Narrashid [Kota Tinggi] minta **MENTERI BELIA DAN SUKAN** menyatakan adakah Kementerian bercadang untuk menggantikan Program Rakan Muda dengan program-program yang lebih berkesan dari sudut penjenamaan semula dan pengisian program belia itu sendiri agar ianya memenuhi kehendak semasa.
42. PR-1323-L63926
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan sejauh mana peranan yang dimainkan Unit Sukan Prestasi Tinggi Negeri-Negeri (USPTN) dalam mencari bakat baharu sukan dan memperkembangkan bakat ke peringkat yang lebih tinggi.
43. PR-1323-L63377
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan apa perlunya mengadakan latihan penembakan skuadron kereta perisai pada bulan Ramadhan dan tidak pada bulan-bulan yang lain.
44. PR-1323-L65182
Tuan Ahmad Baihaki bin Atiqullah [Kubang Kerian] minta **MENTERI PENDIDIKAN** menyatakan Perbadanan Tabung Pendidikan Tinggi Nasional adalah antara kemudahan yang disediakan untuk pelajar institusi pengajian tinggi meminjam bagi meneruskan cita-cita mereka ke menara gading. Apakah cara pengurusan pembiayaan dan pembayarannya mengikut kaedah Syariah Islam dan terhindar daripada riba.

45. PR-1323-L63451
Datuk Jumat bin Idris [Sepanggar] minta **MENTERI KERJA RAYA** menyatakan apakah status cadangan membina jalan *Outer Ring Road* di Kota Kinabalu yang telah diumumkan oleh pihak Kementerian dalam sidang Parlimen yang lalu.
46. PR-1323-L64173
Puan Alice Lau Kiong Yieng [Lanang] minta **MENTERI DALAM NEGERI** menyatakan :-
- (a) jumlah kes 'mesin kuda' (judi haram) yang telah dirampas kepada PDRM sejak 2008 hingga September 2014; dan
 - (b) jumlah kes yang telah disiasat dan jumlah kes yang telah diambil tindakan mahkamah dan perancangan Kerajaan untuk membanteras semua kes judi haram termasuk 'mesin kuda' di Sibul dan Sarawak.
47. PR-1323-L63593
Datuk Linda Tsen Thau Lin [Batu Sapi] minta **MENTERI PERUSAHAAN PERLADANGAN DAN KOMODITI** menyatakan langkah-langkah yang diambil untuk membantu pekebun dan peladang mengatasi masalah kejatuhan harga getah asli dan minyak mentah kelapa sawit.
48. PR-1323-L63720
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEMAJUAN LUAR BANDAR DAN WILAYAH** menyatakan apakah usaha-usaha Kerajaan di Kementerian untuk mempertingkatkan secara terus dan memudah cara promosi, galakan, insentif keusahawanan di kalangan orang muda di luar bandar.
49. PR-1323-L63359
Datuk Johari bin Abdul Ghani [Titiwangsa] minta **MENTERI WILAYAH PERSEKUTUAN** menyatakan :-
- (a) pihak Kementerian telah mengumumkan pada 2013 peruntukan untuk membina 80,000 unit rumah mampu milik di Wilayah Persekutuan dengan agihan sebanyak 50,000 unit di Kuala Lumpur, 20,000 unit di Putrajaya dan 10,000 unit di Labuan. Sejauh manakah perancangan pembangunan rumah mampu milik ini telah dilaksanakan serta namakan kawasan-kawasan yang telah dikenal pasti untuk dibangunkan; dan
 - (b) berapakah keluasan tanah-tanah milik Dewan Bandaraya Kuala Lumpur (DBKL) yang masih belum dibangunkan, dijual atau diswastakan.
50. PR-1323-L64783
Datuk Wira Haji Ahmad bin Hamzah [Jasin] minta **PERDANA MENTERI** menyatakan apakah persediaan yang telah dan akan dibuat oleh *Department of Statistics (DOS)* untuk menyusun *Green Development Plan (GDP)* selaras dengan usaha Kerajaan untuk berganjak ke arah '*green economy*' serta apakah status '*green economy*' dan '*greenhouse gases*' kita sekarang.

51. PR-1323-L65102

Puan Mas Ermieyati binti Samsudin [Masjid Tanah] minta **MENTERI SUMBER MANUSIA** menyatakan berapakah jumlah bilangan OKU yang telah diambil kerja oleh sektor Kementerian dan sektor swasta dan apakah bentuk insentif yang telah diperkenalkan oleh Kementerian pada 2013 dan 2014 bagi menggalakkan pihak majikan untuk mengambil pekerja OKU.

1. Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-

Dalam Jawatankuasa Sebuah-buah Majlis (12 November, 2014)

- | | | | |
|---------------------------------|---------------|---|--|
| 2. | (D.R 19/2014) | Rang Undang-undang Kewangan (No.2) 2014 | Bacaan Kali Yang Kedua |
| [Menteri Kewangan] | | | |
| 3. | (D.R 10/2014) | Rang Undang-undang Penjara (Pindaan) (No.2) 2014 -
Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014) | |
| [Menteri Dalam Negeri] | | | |
| 4. | (D.R 11/2014) | Rang Undang-undang Kewangan (Pindaan) 2014 | Tatacara Bacaan Kali Yang Kedua |
| [Menteri Kewangan] | | | |
| 5. | (D.R 13/2014) | Rang Undang-undang Kumpulan Wang Amanah Negara (Pindaan) 2014 | “ |
| [Menteri Kewangan] | | | |

- | | | | |
|-----|---|--|---|
| 6. | (D.R 12/2014) | Rang Undang-undang Wang Tak Dituntut (Pindaan) 2014 | “ |
| | | [Menteri Kewangan] | |
| 7. | (D.R 14/2014) | Rang Undang-undang Kumpulan Wang Pinjaman Perumahan (Pindaan) 2014 | “ |
| | | [Menteri Kewangan] | |
| 8. | (D.R 16/2014) | Rang Undang-undang Suruhanjaya Syarikat Malaysia (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 9. | (D.R 17/2014) | Rang Undang-undang Pendaftaran Perniagaan (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 10. | (D.R 18/2014) | Rang Undang-undang Perkongsian Liabiliti Terhad (Pindaan) 2014 | “ |
| | | [Menteri Perdagangan Dalam Negeri, Koperasi dan Kepenggunaan] | |
| 11. | Menteri Kewangan akan mencadangkan:- | | |

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah". Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan.

Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
ST.82	Laporan Tahunan Dan Penyata Kewangan Perbadanan Perusahaan Kecil Dan Sederhana Malaysia Bagi Tahun 2013	12 November 2014
ST.83	Laporan Tahunan Dan Penyata Kewangan Yayasan Laporan Kewangan Bagi Tahun 2013	12 November 2014
ST.101	Laporan Tahunan Dan Penyata Kewangan Agensi Kelayakan Malaysia (MQA) Bagi Tahun 2013	12 November 2014